

Delbrück, Anton, D-r—Ueber Hamlets Wahnsinn. Sammlung gemeinverständlicher wissenschaftlicher Vorträge, herausgegeben von Rud. Virchow und Willh. Wattenbach. Hamburg, 1893, Heft 172.

„Shakespeare und kein Ende“—
Շեքսպիրը վերջ չունի—ասել է Գեթեին, Հաննաբեղ ողբերգուն ստեղծել է տիպեր, որոնք նորնքան կենդանի են ֆանտազիայի աշխարհում, որքան կենդանի անձերը իրականութեան մէջ, վաղուց է արդէն որ աշխարհքը եկել է անց կտրակացութեան, թէ Շեքսպիրին պէտք է ոչ թէ քննադատել, այլ դեռ միայն ուսումնասիրել, Անհասկանալին Շեքսպիրի մէջ ոչ թէ սխալմունքով պէտք է մոկնել, այլ մեր անհասկացողութիւնով: Մենք պէտք է աշխատենք բացատրել Շեքսպիրին, և նորա մութ տեղերը մենք ստիպւած ենք բացատրել նրանով, որ մենք դեռ բաւականաչափ չենք խորասուզել Շեքսպիրի ուսումնասիրութեան մէջ. նորա մէջ գաղտնիքներ կան, որ դեռ պէտք է գտնել, ինչպէս բնութեան գիտութիւնը աշխատում է բնական երևոյթները հասկանալ բնութեան օրէնքները գտնելով և ոչ թէ ալդ երեւոյթները սխալ համարելով, ի հարկ է, չափազանցաբար՝ է համեմատութիւնը, բայց Շեքսպիրը չափազանց մեծ ստեղծագործող է:

Աւ շարունակ աճում մեծանում է Շեքսպիրեան գրականութիւնը. Գեթեի ասած՝ Շեքսպիրը անպերջ է. Այս անգամ ահա մեր ձեռքում մի նոր ուսումնասիրութիւն. „Ueber

Hamlets Wahnsinn“—Համլետի խելագարութեան մասին,—որի հեղինակն է հոգեկան հիւանդութիւնների բժշկ Յիւրիսի համալսարանի պրիւատ դոցէնտ և Բուրգօլցի բուժարանի բժշկ Դ-ր Անտոն Գելբրիւլը: Դելբրիւլը աշխատում է լուսաբանել մի քանի ցայտմ լաւ չորոշւած գծերը Համլէտի բնավորութեան մէջ:

Առաջին հարցը, որին մերձենում է Դելբրիւլը, այս է, թէ արդեօք Համլէտը իրօք ցնորւած է թէ միայն ալդպէս է ուզում ցոյց տալ (ալդպէս կեղծելը) ձևացնելը կոչում է բժշկանութեան մէջ սիմուլացիա): Յալտնի է որ Համլէտը ինքը ասում է թէ, նա իբր ձևացնում է, բայց չալտնի է նաև որ ողբերգութեան գրեթէ բոլոր անձերը նորան ցնորւածի տեղ են ընդունում:

Դելբրիւլը գտնում է, որ Համլէտը եթէ ցնորւած չէ, գոնէ գտնւում է իւր սաստիկ լուղւած կրքերի կատարեալ իշխանութեան ներքոյ: Օրինակ, Ներկալացման ժամանակ, երբ նրան լաջողւում է թաղաւորի գաղտնիքը (Համլէտի հօր եղբոր) մերկացնել, Համլէտը անկեղծ է, երբ Գիւլդերստէրնի խօսքերին թէ՛ բարեհաճեցէք ինձ մի առողջ պատասխան տալ, նա պատասխանում է՝ «պարոն, ես ալդ չեմ կարող!» Համլէտը ալդ ժա-

մանակ գտնուում է ալն դրուժեան մէջ, ինչ հոգեբուժական գիտութեան մէջ կոչուում է մանիակալին գրգռմունք (maniakalische Erregung), Մանուաւանդ ալդ ճիշդ է ալն պատճառով, որ տեսարանի սկզբում, երբ Համլէտը մենակ է Հորացիոի հետ, սորա մօտ ձևանալը միտք չունի, քանի որ Հորացիոն գիտէ Համլէտի գաղտնիքը:

Աւելի վատ է Համլէտի դրութիւնը թագուհու ննջարանում, ուր նա Պոլոնիոսին սպանում է:

Դելբրիւկը աւելի քիչ նշանակութիւն է տալիս ուրակալնի (հօրստերի) երեւալուն, չնայած որ նորագոյն գիտութիւնը բացատրում է ոգիներ տեսնելու երեւոյթը իբր գգալարանքների խանգարմունք, իսկ այս վերջինը՝ իբր հիւանդութեան նշան, Դելբրիւկը, սակայն, ալդ բանը ընդունում է որպէս բանաստեղծական ֆիկցիա Շեքսպիրի կողմից, քանի որ երեւոյթը տեսնում են (առաջին տեսարանում) ոչ միայն Համլէտը, ալ և Հորացիոն և Մարցելլուսը, ճիշդ է որ 3-րդ գործողութեան մէջ Ֆրեւոյթը երևում է միայն Համլէտին, իսկ սորա մալըրը ալդ չի տեսնում և ալդ պատճառով Համլէտը իւր մօրը երևում է իբր ցնորաւծ:

Մի երրորդ անգամ մեծ գրգռմունքի մէջ է Համլէտը, երբ սա նետում է իրան Օֆելիալի դերեզմանը և կուում է Լաէրտի հետ, Համլէտը ինքը չետոյ խօսում է ալդ դէպքի մասին և ասում, որ իւր միտքը խանդարւած է (Trübsinn) և ինքը խելագար:

Շեքսպիրի դրամալի մէջ շատ ու-

րիշ տեղեր կան, ուր Համլէտը չի ձևացնում, ալ իրօք դէպի խելագարութիւնը տանող գրգռմունքի մէջ է, բայց նորան չրջապատողները խելագար են լալտնում նորան նաև ամեն տեղ, ուր Համլէտը իւր պես սիմիստական աշխարհայեցողութիւնն է ցոյց տալիս: Չէ որ Համլէտի իրախօսքերն են՝ «Օ, Աստուծո՛ իմ, Աստուած, որքան զգւելի և դատարկ է թւում ինձ այս աշխարհի ամբողջ կեանքը, Թո՛ւ, Ֆո՛ւ, սա մի անապատ ալդի է, ուր որում նորան ամբողջապէս կլանում է:»

Դելբրիւկը բնական է համարում, որ Համլէտի չրջապատողները նորան խելագար են լալտնում, որովհետև նոքա չգիտեն Համլէտի լուրւածութեան պատճառները, Հորացիոն և թագաւորը միայն գիտեն ալդ, բայց դոքա խօսքերից Համլէտի մասին պարզ չի երևում թէ՛ նոքա խելագար են համարում նորան թէ՛ ոչ: Հորացիոն ընդհանուր առմամբ Համլէտին հիւանդ չէ ընդունում, թէև մի անգամ հակառակն է ասում: Թագաւորը աւելի է շնչոտում նորա խելագարութեան մասին և գտնում է որ «խելագարութիւնը մեծերի մէջ չպէտք է առանց հսկողութեան մնալ»: Բայց դոքա ևս խնդիրը չեն վճռում:

Հաստատ է որ Համլէտը մի քանի դէպքերում գիտմամբ իրան խելագար է ձևացնում. օրինակի համար, առաջին գործողութեան մէջ ուրակալնի երեւալուց չետոյ. ապա նա հաստատապէս ձևացնում է իրան Պոլոնիոսի, իսկ տեղ-տեղ նաև ուրիշների առաջ, Ալփմ խնդիրը

ալն է թէ արդեօք ձևացնող մարդը (սխմուլանտ) կարող է առողջ մարդ լինել: Յալանի է որ մի քանի հոգեկոթներ (պսիխիատր) ալնքան հեռու են գնում, որ պնդում են թէ առողջ մարդը երբեք չի կարող իրան խելագար ձևացնել: Բայց դ-ր Անտոն Դելբրիկը պնդում է, որ առողջ մարդը կարող է խելագար ձևանալ, բայց որ ալդ անելու համար մարդ պէտք է շատ ծանրակշիւ շարժառիթներ ունենալ: Ուրեմն ալս դէպքում պէտք է որոնել ալդ ծանր շարժառիթը: Դա է՝ իւր հօր սպանման համար վրէժխնդիր լինելը իւր հօր եղբորից (թաղաւորից): Այլ իրօք, երբ բնմի վրալ թատրոն ներկայացնելով լանցաւորը (թագաւորը) գտնուում է, և երբ Համլէտը սպանում է Պոլոնիոսին, խելագար ձևանալու շարժառիթը նւաղում է և նա լալտնում է մօրը թէ իբր խելագար է միայն խորամանկութիւնից: Դորանից վետոյ շարունակել խելագար ձևանալ՝ ալլ ևս միտք չունի, և մինչև իսկ վտանգաւոր է Համլէտի համար, քանի որ նորա խելագարութեան մասին խօսում է ամբողջ պալատը և թագաւորը վճռում է հեռացնել նորան: Համլէտը ուրեմն լաւ կ'անէր եթէ ալլ ևս չձևացնէր, եթէ միայն նա բաւականաչափ առողջ է և ուրեմն եթէ կարող է չձևացնել, Բայց բանն էլ հէնց նրանումն է, որ նա ալդ չի կարող անել: Ինչպէս ինքը ալդ ասում է. և նա ալդ չի կարողանում, որովհետեւ նա իւր կրքերի կատարեալ իշխանութեան ներքոյ է, նա չի կարող իրան իշխել:

Ինչպէս?

Իւր հօր մահւան բօթը նորան մեծ ցաւ պատճառեց. բայց նորա սիրտը խոցւում է մի երկրորդ հարւածով՝ իւր մօր շուտափութ պսակւելովը իւր հօր-եղբոր հետ: Ներկայումս է հօր ուրականը, որից իմանում է թէ նա ինչպէս է եղել սպանւած: Համլէտի ուղեղը ընկնում է խառնաշփոթութեան մէջ: Մտքերը շփոթւում են և նա զգում է, որ կորցրել է իրա վերալ իշխելու ուժը: Նա զգում է, որ չի կարողանալու դադարեիքը պահել, և որովհետեւ տեսնում է, որ ալդ դրութեան մէջ ուրիշներին կիսախելագար է երեւալու, ալդ պատճառով նա թող է տալիս իրան որ բոլորովին խելագար երեւալ, ալն լուսով թէ ապագալում ալդ պէտք ալ ան կը լինի, ինչպէս ինքն է ասում: Ալդպիտով նա ալլ ևս չի ձգտում իրա վրալ իշխել և թող է տալիս անձնատուր լինել կրքերի հոսանքին: Այլ անհայտ ալդ բանումն է կալանում իւր ձևանալը, սխմուլացիան, Դորանով նա իրօք կարողանում է երեւմն ծածկել դադարեիքը: Շատ բնորոշ է ալդ կողմից 4-րդ գործողութեան 3-րդ տեսիլը, ուր Ռոդենկրանց և Գիւլդենստէրն Համլէտին հարց ու փորձի են ենթարկում Պոլոնիոսի սպանման մասին. «Դուք պէտք է ասէք՝ ուր է դիակը», ասում են Համլէտին. իսկ սա, իբր թէ չի հասկանում, որ խօսքը Պոլոնիոսի մասին է. «Դիակը թագաւորի մօտ է, բայց թագաւորը դիակի մօտ չէ», ասում է նա մտածելով իւր հօր մասին: «Թագաւորը մի բան է», աւելացնում է

Համէտը:

— «Մի բան, ողորմած տէր?»

— «Մի բան, որ ոչինչ է»:

Համէտը շատ լաւ է զգում, որ ալդ խօսքերից Ռոզենկրանցը և Դիւլդենստէրնը ոչինչ չհասկացան: Ահա ալդ չափով նա ձևացնում է: Բայց ալդ նրան լարմար է թւում՝ իւր ուղեղով անցկացող մտքերին արտաբայութիւն տալու համար: Նա շատ անգամ ափսոսում է խօսում, որ նորան չհասկանան և խօսում է ափսոսի բաների մասին, որ ուրիշները չեն կարող հասկանալ:

Տեղ-տեղ նա չափազանցում է. օրինակ, երբ նա անկարգ հագուստով ներկայանում է Օֆելիային, կասկած չկալ որ նա ալդ դիտմամբ է անում: Կամ երբ նա ուզում է ծեր և չիմար Պոլոնիոսին որոգալով մէջ գցել, կամ Օստիկին ծիծաղելի դարձնել: Ամենին չի ձևացնում միայն սկզբում լիւշած կրքոտ տեսարաններում:

Բայց դ-ր Դեյրբիւլը գտնում է որ Համէտը դիմում է նաև դիսսիմուլացիայի: Նա և Հոգեբուժութեան մէջ աղպէս է կոչւում աֆ դէպքը, երբ մի ոմն իւր հիւանդութիւնը ծածկում է. նա ձևացնում է թէ առողջ է: Այսպէս, օրինակ, շատ լաւ է ձևացնում իրան երբ բնի վրալ ներկայացումն են տալիս: Չնայած որ Համէտը վերջին ծալր լարած է և գրգռած, բայց նա ամենաճարպիկ պալատականի ձևով խօսում է Օֆելիայի, Թագաւորի ու Թագուհու հետ, մինչև որ, Թագաւորի գաղտնիքը մերկայցնելուց լետու, նորա կրքերը ամենաբուռն կերպով պայթում են:

Մեղ հետ միասին շատերը կը

հարցնեն անշուշտ, թէ կարող է արդեօք հիւանդ մարդը իրան ձևացնել: Հոգեբուժ դ-ր Դեյրբիւլը պատասխանում է ալդ հարցին, թէ «դա ամեննին անկարելի չէ և մինչև անգամ հազազիւտ էլ չէ»: Իրողութիւն է, որ շատ հիւանդներ հակումն ունեն հիւանդական մի մի նշանները չափազանցնել, կամ խակականների վրալ ուրիշներն էլ աւելացնել՝ ձևացնելով: Սւ շատ անգամ լետու, ոչ միայն դիմացի մարդիկ, այլ նոյն իսկ իրանք հիւանդները չեն կարողանում ջոկել, եթէ երբ նոքա ձևացրեցին և երբ ոչ, աֆն աստիճանի ալդ բաները խառն կերպով են կատարւում:

Այս ամենով հանդերձ, Դեյրբիւլը, սակաֆ, պնդում է, որ ձևանալը (սիմուլացիա) միայն ստորադաս և կողմնակի դեր է խաղում Համէտի մէջ, և որ գլխաւոր խնդիրը դորանով չի լուծւում: Իսկ խնդիրը սա է թէ Համէտը խելագար է թէ ոչ:

Բժշկական գիտութեան ներկալ գաղափարների համեմատ, ասում է Դեյրբիւլ, խելագարութիւն, ցնորւածութիւն, խօսքերը չեն սաղում Համէտի դրութեանը: «Համէտը չունի որ և է բացալատ հոգեկան հիւանդութիւն. բայց նա գտնւում է աֆն անցողական դրութիւնների մէջ, որոնք շատ լաճախ գոլանում են ոգեկան առողջութեան և հիւանդութեան միջանցքում: Ոգեկան հիւանդութիւնը զարգանում է ոգեկան առողջ կեանքի միջով: Հիւանդութիւնը զարգանում է հատ հատ մարդկանց մէջ աֆնպէս, ինչպէս առողջ մարդու հասունութիւնն է զարգա-

Նույն Ոգեկան դարգացումը կարող է մերթ բոլորովին ուղիղ, մերթ շատ ծուռ ճանապարհով ընթանալ, երբեմն էլ մի քանի կողմերով ուղիղ, մի քանի ուրիշ կողմերով՝ ծուռ ընթանալ, «Այդ դէպքում մարդու գործողութիւնները լինում են խառն անսովոր գործողութիւնների հետ»։ Բայց երբ ասել դէպքում պէտք է ոգեկան հիւանդ ընդունել մարդուն? «Այդ կախած է անսովորի (աբնորմ) քանակութիւնից»։ Բայց ասել քանակութիւնը իմանալու համար չկալ մի մշտական չափս, հետեապէս մի որոշ դրութեան մէջ եղած մարդու մասին կարելի է տարբեր կարծիքներ ունենալ։ Այդ պատճառով և Դեյլերիւկը, «Իբր զգուշ զիպլումատ» Համլէտի խելագարութեան մասին կտրական պատասխան չի տալիս, բայց պնդում է որ «սահմանի վրայ լամենաչն դէպսնա (Համլէտը) կանգնած է»։

Անսովորը, աբնորմը՝ Համլէտի արտակարգ գրգռականութիւնն է։ Օրինակ, երբ Լաէրտը իւր քրոջ մահւան մասին մի փոքր չափից դուրս գանգատուտ է, միթէ դա հիմք է որ Օֆելիալին սիրող Համլէտը աչնքան կատաղի, ինչպէս նա անում է!

Այդ և դորա նման արտակարգ գրգռականութիւնը ընորոշ է Համ-

լէտի հիպերէսթեզիայի համար։

Համլէտի բնաւորութեան մի ուրիշ արտակարգ գիծը, նորա հոգեւորական (պեսիմիստական) տրամադրութիւնն է։ Այլ բան է պեսիմիստական աշխարհայեցողութիւն, այլ բան է պեսիմիստական արամադրութիւն։ Վերջինս չի մնում սովորականի սահմանների մէջ։

Դեյլերիւկը ապա անցնում է խօսելու Համլէտի անվճռականութեան, վճիռ կալացնելու անընդճակութեան մասին, որ, ինչպէս լատինի է, շատերը արդէն նկատել են։ «Այդ անընդճակութիւնը», ճիշդ բոպէին ճիշդ վճիռ կալացնել, չնայած բարձր դարգացած խելքին և ամենաազնիւ դիտաւորութիւններին, կամ ըստ Ֆիշերի՝ գործելու ալդ esprit d'escalier, ահա ինչն է աչնքան ընորոշ ալս դժբաղդ բնաւորութիւնների համար, որոնք պաթոլոգիական սահմանի վրայ են կամ մի ոտով արդէն նորա մէջն են»։

Վերջացնում ենք լողածը աւելացնելով, որ դ-ր Դեյլերիւկի փոքրիկ աշխատութիւնը ունի քսան և երեք ծանօթութիւններ նիւթին վերաբերեալ գրականութեան մասին։

Ա. Ա.